

SANCTISSIMI DOMINI NOSTRI  
BENEDICTI PAP. XIV.

# ALLOCUTIO

*HABITA IN COMITIIS GENERALIBUS  
FRATRVN MINORVM  
IN TEMPLQ ARACOELITANO*

CELEBRATIS IN VIGILIA PENTECOSTES

XVII. KALEND. JUNII

ANNO JUBILÆI MDCCL.





Equè novum, neque inusitatum Nos  
facere, quod vestris hisce Comitibus  
præsideamus, Annales vestri testan-  
tur, in quibus decem Romani Ponti-  
fices recensentur, qui simile Nobis  
exemplum Reliquerunt. Inter illos  
Nicolaum V. adnumeratum depre-  
hendimus, qui cum universale Jubi-

læum, quod tunc temporis contigerat, solemniter celebraret,  
inter cætera pietatis, ac religionis suæ monumenta, illud etiam  
præstandum censuit, ut Comitibus Ordinis vestri Generalibus,  
quæ tum Romæ cogebantur, ipse præset (1). Quamquam  
vero quodlibet ex iis, quæ innuimus, exemplum, ut Comitibus  
hisce vestris præsemus, satis esse potuisset, tamen dissimu-  
landum non est, illud prædicti Nicolai V. Nos vehementer  
excitasse & quasi impulisse; cum & universale Jubilæum a No-  
bis quoque celebretur, & eo cogitationes a Nobis intédantur,  
ut illud rite, & qua par est solemnitate peragatur.

Quapropter, dum Generali Conventui vestro præsidemus,  
singulari afficimur gaudio: quod etiam magis augetur ob pie-  
tatem in Ordinem S. Francisci, quam velut hæreditariam a  
Majoribus nostris accepimus, & quam perspicue declaravimus  
in omni vitæ conditione, in qua, Deo disponente, versati su-  
mus,

(1) Vvading. in *Annaliõ. Minor. ad ann. 1450, num. 10.*

mus, nihil unquam prætermittentes, quod spirituali utilitati  
vestræ, quam vobis unice cordi esse non ignoramus, conferre  
posse videretur.

Si privatis Familiarum monumentis, & peculiaribus Ur-  
bium Annalibus fides præstanda est, compertum habemus  
(2) a Guido Lambertino concessum ac liberaliter traditum  
fuisse locum ad extruendam Ecclesiam, & Cœnobium Patri-  
archæ vestro S. Francisco, cum Bononiæ in honorem Annun-  
ciationis SS. Virginis Templum excitare peroptaret, quod  
etiam hoc tempore a Vobis in ea Civitate retinetur: quæ qui-  
dem Guidi liberalitas, ac pia voluntas, intercedente eodem S.  
Francisco, plurima illius Liberis, ac Nepotibus a Deo benefi-  
cia comparavit. In historiis pariter vestri Ordinis (1), ac Ci-  
vitatibus nostræ Bononiensis (2) plurimum commendatur Beata  
Joanna Lambertina, quæ Familiæ vestræ nomen dedit. Ipsa  
namque Sanctæ Catharinæ Bononiensis prius Comes, eidem  
postea in administrando Monasterio successit, ac tandem hu-  
jus mortalis vitæ cursum in Sanctitatis odore consummavit.  
Illiusque ossa condita sunt ad pedes ejusdem S. Catharinæ, cu-  
jus

(2) Anton. de Anellis in *Genealogia Familiæ Lambertin. Nobilis Bono-  
niensis MS. ann. 1535.*

(1) Artur. in *Martyrolog. Francisc. ad diem 12. April. Vvading ad ann.  
1431. n. 21. & ad ann. 1455. num. 110. & 111.*

(2) Gabriel Card. Palæotus *Archiepiscopal. Bononien. in Cathalogo  
Sanctor. & Beator. Pompeus Vizani Hist. Bonon. lib. 7. ad ann. 1456.  
Gaspar Bombaci in Bononiensib. Sanctitate illustrib. pag. 111. & 112.  
edit. Bononien. ann 1640. Antonius Pauli Masini Bononien. Perlustrat.  
pag. 118. & 279. edit. Bonon. ann. 1666. Covalerius Zani in Cathalogo  
Beatorum Bononien. 1476.*

4  
Jus Corpus post plura sæcula integrum adhuc ac sedens, publica  
Christifidelium cultui patet.

Nemo vestrum ignorat, inter spiritualia Regularium Or-  
dinum ornamenta illud maxime efferi, quod ipsorum Alum-  
ni inter Beatos ac Sanctos post obitum extollantur; ex quo tum  
cæteri ad imitanda hujusmodi exempla inflammantur, tum  
continua quoque in Ecclesia Catholica Sanctitas comproba-  
tur. Illud autem falso a nonnullis adfirmari Nos minime latet,  
videlicet Ordines Cisterciensium, & Carthusianorum sollici-  
tos semper fuisse, ut Viri Religiosi omni sanctitate præstarent,  
dum viverent, nullam vero impendisse curam, ut ipsi post  
mortem debitum Beatis ac Sanctis cultum consequerentur.  
Sed in libris, quos typis emisimus, cum adhuc inter Cardina-  
les versaremur, *de Beatificatione, & Canonizatione Sanctorum*  
(1), eam sententiam a veritate prorsus alienam satis ostendi-  
mus; & in lucem protulimus, ac enumeravimus Beatos, ac  
Sanctos eorumdem Ordinum, quibus Sedis Apostolicæ De-  
creto publicus cultus impenditur.

Clemens XI. fel. rec. Nos in juvenili adhuc ætate constitu-  
tos inter Advocatos Consistoriales primo cooptavit, & patro-  
cinium Causæ Canonizationis memoratæ S. Catharinæ Civis  
nostræ, Ordinisque vestri Filix, Nobis demandabit: quod sane  
ita suscepimus, ut, solutis difficultatibus, Deo in primis adju-  
vante, illam inter Sanctas adscriptam Nobis venerari feliciter  
contigerit. Post hæc, idem Pontifex Fidei Promotoris munus  
gerendum Nobis impertivit, quod per plures annos exercen-

(1) *Lib. 1. cap. 13. num. 17. & 18.*

tes, inter Sanctos non sine magno labore, conatuque nostro adnumerari lætati sumus tres ex Familia vestra, Jacobum Picenum, Franciscum Solanum, & Margaritam Cortonensem; quinque vero inter Beatos referri, videlicet, Johannem de Prato, Salvatorem ab Horta, Liberatum a Lauro, Andream de Comitibus, & Hiacyntham Marefcoi. Postremo licet imminentes, ad Summum Pontificatum evecti Nos ipsi Petrum Regalatum solemniter Sanctum declaravimus; & Benedictum a S. Philadelphio, Pacificum a Ceredano, Coletam, & Johannam Valesiam in Beatorum numerum cooptavimus.

Vvaddingus Annalium vestrorum scriptor (2) non immerito suum vestrumque Ordinem magnopere commendat ex eo, quod Fratribus Minoribus a decimo quarto sæculo Divini Salvatoris nostri Sepulchrum custodiendum traditum fuerit: *Non est profecto exigua gloria nostri Sodalitii, ut illud solum præ omnibus, inter omnes Ecclesiæ Ordines tribus integris sæculis in sua habeat potestate Fidei nostræ præcipua monumenta, & Minoritæ dumtaxat Custodes adhibiti sint locorum, in quibus nostræ salutis Mystera operatus est Christus, & sanctum Domini Evangelium de Patibulo coruscaverat.*

Dilectus Filius RAPHAEL A LUGAGNANO, qui totius Ordinis vestri Generalis Minister nullius incongruæ voluntati deservivit, sed vita, & moribus decoratus, tanto Ordine dignus inventus est. (1), multum laboris impendit, quemadmodum vobis satis exploratum est, ut ea constitueret, quæ pro locis Sanctis

(2) *Ad ann. 1342. num. 59.* (1) Sanct. Gregor. Mag. lib. 3. epist. 22. ad Anton. Subdiac. tom. 2. edit. Parisien. ann. 1705 pag. 639.

tis pie religioſeque aſſervandis conſentanea magis eſſe viderentur. Ipſe quidem, favente Deo, incolumis hic verſatur, vobisque omnibus teſtari poteſt voluntatis Noſtræ ſtudium, ut graviſſimum hoc negotium ad finem ſuum feliciter perduceretur; vobisque ipſis perſpectas eſſe non dubitamus Apoſtolicas litteras, quas edidimus (2), ut ea confirmaremus, quæ idem Generalis Miniſter veſter prudenter utiliterque decernenda eſſe cenſuit ad Sanctam eorundem ſacrorum locorum cuſtodiam.

Jam ad finem properat annus decimus Pontificatus Noſtri, in quo benevolentiam noſtram in Regulares Ordines ſemper ita probavimus, ut nulli unquam jus eligendi ſuos Præſides, interpoſita ſola auctoritate noſtra, ſuſpenſum fuerit, ſed illud intactum ſemper omnibus reliquerimus. Quare, ſi hunc animum in reliquos Ordines habuimus, conjicere facile poteſtis, Nos idem præſtituros eſſe erga vos quam libentiſſime. In hunc locum Comitii veſtris adfuturi venimus, ut libertas veſtra magis aſſeratur, veſtrisque Precibus ad Deum noſtræ pariter jungantur, ut ipſe lumen ſuum veſtris mentibus impertiat, ad idoneum Virum totius Ordinis Præſidem eligendum. Itaque verbis utemur S. Gregorii Magni Prædeceſſoris noſtri (1) ad Clerum Mediolanenſem, qui ad eligendum novum Archiepiſcopum convenerat, *Quia antiquæ meæ deliberationis intentio eſt, ad ſuſcipienda Paſtoralis curæ onera, pro nullius unquam miſerici persona, Orationibus proſequi electionem veſtram.* Deinde S. Pontifex propoſitum ſuis precibus finem declarat, & ſimul virtutes recēſet, quibus novum Præſulem decet exornari. Nos etiam ſententiæ ipſius vota noſtra accomodantes, eadem proſus ver-

(2) Die 7. Januar. & die 7. Febr. ann. 1746.

(1) Lib. 3. indiēt. 11. ſiſi 29. citat. tom. 2. pag. 644.

ba hic repetemus. Ut Omnipotens Deus, qui futurorum actuum nostrorum semper est præsciens, talem vobis Pastorem præbeat, in cuius lingua & moribus exhortationis Divinæ Pasqua valeatis invenire, in cuius mente & humilitas cum rectitudine fulgeat, & severitas cum pietate, qui vobis viam vitæ non solum loquendo, sed etiam vivendo possit ostendere, quatenus exemplo illius discat vestra dilectio ad æternæ Patriæ desiderium suspirare.

Postremo S. Gregorii ad Electores sermonem convertentis exemplo Nos pariter inherentes, obtestamur vos in visceribus Jesuchristi, ut privata studia, omnemque terrenam cogitationem deponentes, hodierna die, qua gravissimum a vobis negotium pertractatur, ad communem vestri Ordinis utilitatem, quæ cum Dei gloria conjuncta est, ad conservandam, & magis magisque amplificandam Catholicam Fidem, oculos, animumque convertatis: Itaque (inquit S. Gregorius) Vos, Filii Carissimi, officii nostri censura commonti, suademus, ut in hac suscipiendi Antisitis Causa nullus vestrum neglecta utilitate communi, suo lucro prospiciat, ne si quisquam propria commoda appetit, frivola estimatione fallatur, quia nec libero judicio præferendam sibi personam examinat mens, quam cupiditas ligat. Hæc autem Paterna monita etsi vobis, dilecti Filii, viam perfectionis jam ingressis supervacanea videri possunt; tamen consentanea valde sunt tum Apostolico ministerio nostro, tum muneri, quod gerimus, præsidendi Comitibus, vestris, tum denique Pontificiæ quoque, numerisque omnibus obstrictæ benevolentia, qua universum S. Francisci Ordinem complectimur. Semper quippe oculis nostris obversatur admirabile visum Innocentii III.

Prædecessoris nostri, qui incertus, ac suspensus, utrum Seraphici Patris vestri novum Institutum auctoritate Apostolica confirmare deberet, omnem prorsus dubitationem deposuit, postquam in somnis palmam inter pedes suos paulatim succrescentem, & in arborem pulcherrimam sese elevantem contempit, & ipsum S. Franciscum hominem licet pauperulum, modicum, & despectum Lateranensem Basilicam jam ruinæ proximam, proprio dorso summisso, ne caderet, sustentantem. (1).

Hæc sunt, dilecti Filii, quæ vobis significanda censuimus. Quare Orationem nostram longius protrahendam non judicamus; sed vos ad Sanctam electionem auspicandam exhortamur.

(1) S. Bonaventura *in legenda S. Francisci cap. 3.*





1

*[The remainder of the page contains extremely faint, illegible handwriting, likely bleed-through from the reverse side of the paper.]*

